

人科以列于其數、雖均之可任大科哉、其所以別之者、以有夫經產故也、竊以、雖常產難澀日久、則母子軀命迫於旦夕、當是之時、有良醫、則一治而兩全矣、豈大科止救一人比哉、况又至若王氏腋產、樊氏額產之類、其無素者、不能治也、是乃在十三科中、其任莫重焉、其功莫大焉、恭惟、本邦泰平之化盛行、幾乎二百年矣、武露布、文露沈、百家衆技林々然起、其中有中條氏在焉、以善治產難鳴、固非虛名也、今也其徒數十百人分處海內、而救其難者、指不勝屈、一日書肆醉墨齋袖一帙來、謂予曰、吾嘗梓村山氏所撰中條產書小冊、大行于世、今復欲壽梓其後編、增補、希公校正之、予於是喜其傳不朽、校正之家藏書、間亦傍加私論以發揮之、蓋其爲書不必依古人方論、皆書一家經驗以卿語、是以大方之家多不信也、雖然予屢試之極効、則是書有大補於濟世者可知已矣、是配之十三科中之書、又何恥之有、故今添以序而還之云、

皇和寶曆改元年

〔醫心方二十一〕婦人諸病所由第一

千金方云、論曰、夫婦人所以有別方者、以其血氣不調、胎任、產生、崩傷之異故也、所以婦人之病比之男子、十倍難療、若四時節氣爲病虛實、冷熱爲患者與丈夫同也、唯懷胎任、狹病者避其毒藥耳、又云、女人嗜欲多於丈夫、感病則倍於男子、加以慈戀愛憎嫉妬憂恚深著堅牢、情不自抑、所以爲病根深、療之難差、故傳母之徒亦不可不學、

小品方云、古時婦人病易治者、嫁娩、腎氣立、少病不甚有傷故也、今時嫁早、腎根未立而產、傷腎故也、是以今世少婦有病必難治也、早嫁早經產、雖無病者亦天也、

〔志都の石室下〕扱婦人ハ、十四五歳ニナルト、其ノ精ガ漸クニ熟成シテ、經水ノ通ズルコトハ、一體婦人ノ血ハ、本ヨリ胎兒ヲ養ヒ育ツルガ爲ニ、男子ニ比シテハ、自然ニ多ク生ズルデコザル、夫ユエニ孕マヌ時ハ、其餘リノ血ハ經水ト成テ泄去リ、其餘ノ血ハ子宮ニ連ナリ有ル處ノ靜脈管カ

旭山戸田齋津人攝誌